

鄱陽縣志卷之四

建置二 水利 津梁附 壇廟

東湖堤

明督學使太倉周廣記郡之城左偏為隍城者曰東湖故有堤唐刺史李公復築以捍江為城備歲久

堤地湖以堤障亦為泥沙闕淺遇水泉涸則可途有患無

利公私病焉湖周遭三十里瀦芝山崇福雲雨薦福諸山

水西薄郡城東北則鄱陽縣學挹其勝永平通衢橫亘於

南有弔橋畫橋德新橋以出入水道顧惟德新橋恰隘口

當春秋水溢一瀉無障城猶無隍也嘉靖二年春正月柳

楊范公以提備武事至承民繹騷後思與休息越明年秋

九月嘗登芝山觀地利得其槩因謀諸郡守彭辨之命知

縣徐俊民計財力若干鳩工作石堤一道於德新橋恰隘高

潤丈尺各若干中為堰口瀦水於湖仍留弔橋畫橋二恰

隨時以消其溢令通舟楫踰月告成廣巡理學政適以時

至郡之士大夫胡司寇余僉憲輩相與言曰昔堤名李公

禦外患也今堤名范公與內利也堤成而民德之不忘廣

曰因民之所利而利之曰仁仁民善政也范公何心焉范

公亦曰堤湖水之洪也易堤民心之洪也難地且利人且

和矣尤懼其洪於法而洪於禮也又如之何而堤之廣曰

公懼之民德之上下相親曰信信立而政成宜書以記

馬公堤

唐刺史馬直所築

鄱陽縣志

卷之四

水利

邵公堤

在縣東北二里

柿湖陂

在縣東北永福鄉

陳家堰

在二十都廣晉鄉上西山猪山咀

黃花陂

在義仁鄉六都灌田六十畝

彭公陂

在義仁鄉入都灌田三十畝

長風陂

在復禮鄉十七都灌田五十畝

赤岸陂

在懷仁鄉二十五都灌田五十畝

下蓋陂

在千秋鄉三十二都灌田六十畝

上趙堰

在松蓋鄉三十五都灌田百畝

龍舌咀陂

在新興鄉五十二都灌田千畝

團陂

在永福鄉二十八都江西住基北

老堰

在永福鄉二十八都後庄社北



高家詩陂 在懷仁鄉二十五都灌田二千畝

馬家堰 在新興鄉五十二都計十五丈防祁門水

官路大詩 在新興鄉五十二都計八十丈防祁門水

新陂 一在新興鄉五十四都灌田五十畝

松嶺陂 在文北鄉五十七都灌田七十畝

土塘陂 在文北鄉五十七都灌田百畝

梅塘埧 在崇德鄉受漳溪北源一帶之水從十二都起經崇

曹陂塘 在崇德鄉受蓮山西諸山之水灌田六七百畝

右黃花陂以下凡一十四所蓋宋元時舊陂也至正末政

荒民散多湮塞沒蕪明洪武二十八年縣丞周從恭行縣

一一復修旱澇有備今賴之

東南河圩

鄱陽縣志

卷之四

水利

二

閣山圩

一名青灣圩在文南鄉六十六都周六里圍田地菜澤一千四百餘畝雍正間知縣王守敬興築

白溪圩

在文南鄉六十五都

郭溪圩

在文南鄉六十三四都周十八里圍田地菜澤約二千一百餘畝石堰一所宏治間知縣余本實築

師古前圩

藍石坵圩

三廟前圩

俱郭溪腹內

畫湖圩

在文南鄉六十六都周二十里圍田地菜澤約五千六百餘畝石堰一所

渡頭圩

鷹落溝圩

俱畫湖腹內

濠湖圩

在新興鄉五十二都周十八里圍田地菜澤約三千一百餘畝明成化間知縣劉煥築

吉潭圩

係在腹內

清泥圩

在文南鄉六十五都周十七里圍田地菜澤約一千四百餘畝石堰一所

南港圩

在懷德鄉六十五都周十里圍田地菜澤約二千五百畝有奇石堰一所

布袋灣圩

在六十六都周十里圍田地菜澤約二千五百畝有奇石堰一所

樟潭圩

在文北鄉五十九都周二十里圍田地菜澤約五千三百餘畝石堰一所明知縣翁承年築



廟背圩 卽蔡家灣在文南鄉六十五都

喬木灣圩 在文南鄉六十五都周二十里圍田地菜澤約五千六百畝有奇石堰一所

新坵泉湖圩 在文北鄉五十九都周三十里圍田地菜澤約一萬一千畝石堰三所

章楊圩 在文北鄉五十九都

塘頭圩 在文北鄉五十九都李姓居住

高沙灣圩 在文北鄉五十九都張戴錢三姓居住

邵家圩 在文北鄉五十八都

塘里圩 在 六十五都

范泥圩 在 五十六都

新圩 在 五十九都  
六十五都

楊家圩 在文南鄉五十九都

港口圩 六十六都

鄱陽縣志 卷之四 水利

新塘圩 在 五十九都

庫前圩 在 五十九都

箭坵圩 在 六十五都

東塘圩 在 六十四都

河口圩 在 六十五都

湯灣圩 在文南鄉六十四都周一十八里圍田地菜澤約一千一百畝有奇石堰一所明宏治間知縣余本實築

鶯子圩 在 六十四都

吳家圩 在 六十四都

王家圩 在 六十五都

施家坊圩 六十五都

華子圩 六十五都

道汊圩 在懷德鄉三四都周二十里圍田地菜澤約五千六百畝石堰一所



問龍圩 在三四都

孔目圩 在新興鄉五十二三都等處周十五里圍田地菜澤

溪圩 在文北鄉五十八都周二十里圍田地菜澤約五千

觀塘圩 後根圩 俱在泗溪腹內

涂家圩 在文北鄉五十八都周五里圍田地菜澤約五百畝

寺前圩 在文北鄉五十七都周五里圍田地菜澤約五百畝

同德圩 在文北鄉五十七八都周八里圍田地菜澤約三千

畚埠圩 在文北鄉五十八都周二十里圍田地菜澤約一萬

樂成圩 在文北鄉五十八都周五里圍田地菜澤約二千八

南湖圩 一名東朗圩在懷德鄉三四都新興鄉五十二都周

北湖圩 在懷德鄉六十六都周二十五里圍田地菜澤約一

蒲汀圩 在東南鄉五十一都周十八里圍田地菜澤四千餘

鄱陽縣志 卷之四

水利

四

永興圩 在東南鄉餘畝坐落碗子湖 都周三十里圍田地菜澤約一萬

永固圩 在東南鄉五十二都周十里圍田地菜澤約三千畝有

後塘圩 在 鄉 都周十里圍田地菜澤約三千畝

城團圩 在 鄉五十一都周十里圍田地菜澤約二千畝

桂湖圩 在懷德鄉三四都周十八里圍田地菜澤約三千二

河風圩 即下風岸在三四都

南港圩 在 鄉六十五六都

史家圩 即下南港

永團圩 在 東南鄉五十二都後

西中童子渡河

陂洲西保圩 九都一畓十都四畓十一都四畓等村居住田

東保圩 七都一畓三畓等村居住田一千餘畝

正陂洲圩 七都一畓居住田四百餘畝



復興圩 十都三箇十一都二箇等村居住田近二千畝

西北漳田河

項洲圩 一名高家圩在崇德鄉十三都地方係五十二都三箇高姓吳姓居住約田三千七百畝康熙年間修築萬家圩 在新城鄉十七都一箇萬姓居住灌田六千七百畝內有水田壹千餘畝周圍二十里與項洲圩俱毗連烏坵湖尾圩最低易受風浪

大灣圩 在新城鄉地方與高家圩毗連十二都一箇黃姓居住田近千畝

黃家圩 在崇德鄉十二都一箇黃姓居住田八百餘畝

史家圩 在崇德鄉向係史姓居住今人烟零落圩亦久倒塌

河陳家圩 十四都一箇陳姓居住田八百餘畝

盛家圩 十四都二箇盛姓居住田千餘畝

盛家細圩 全處田八十五畝

咀上圩 十四都一二箇盛姓胡姓居住田千餘畝

鄱陽縣志

卷之四

水利

五

花汊圩 崇十三都李王計夏陳等姓築田五百餘畝

河李王花汊圩 崇十三都李王等姓居住田八百餘畝

漳田盛家圩 十四都一箇盛姓居住田一千八百畝

西灣圩 十四都二箇詹姓傅姓居住田二千餘畝

花車圩 全處十一都五箇在內田三百餘畝

葉家圩 十四都一箇葉姓居住田六百餘畝

沙汊南圩 十四都張姓江姓暨四都二箇嚴姓居住田近千畝

沙汊北圩 十四都二箇蔡姓崇十三都段姓等村居住田千餘畝

右自李王花汊圩至沙汊北圩為七圩連環西北一大圩也

河陳家圩 在崇十三都地方係入都十一箇陳姓居住田近千畝

計家南圩 在崇十三都計姓修築田千餘畝



計家北圩 全處田近二千畝

潤保泰圩

十二都區黃姓吳姓新築

計家東圩 全處田近二千畝

崇復圩

十二都區一區公不姓李十七都一區區姓新築

程家圩 在崇德鄉係崇十三都吳姓八都十一區程姓居住田近千畝

胡家嘴圩

在崇十三都地方係四都九區胡姓居住田六百餘畝

西河復興圩

十二都一區吳姓居住田千餘畝

保良圩 十二都一區吳姓居住田八百餘畝

以上各圩均係乾隆嘉慶道光年間陸續興築

保全圩

十二都崇十三都等村北自線洲小港起南至計家東圩與沙汊北圩西灣圩相接田近萬畝同治七年興築內包七圩

龍潭圩 崇十三都王姓居住

木門圩 崇十三都王姓居住

都景圩 全處

都陽縣志

卷之四

水利

六

北灣圩 崇十三都鄭姓王姓計姓居住

馬墩圩 崇十三都吳姓居住村後又名太平圩

義興圩 崇十三都吳姓李姓又四都嚴姓胡姓等村居住

合興圩 崇十三都西湖吳姓居住

右上七圩係嘉慶道光年間陸續興築現均在保全圩內

西河余家圩 十四都余姓居住田百餘畝

草埠圩 新築在十四都一區葉姓居住圍田一千四百餘畝

江家圩 辛十三都江邦橋興築田百餘畝

寶全圩 一名保全圩十四都王姓胡姓同治七年新築田八九百畝

合成圩 十二都二區吳姓東隅一區詹姓同治七年新築田五百餘畝

東河樂成圩 十二都一區六甲吳姓二區黃姓同治六年新築田二千餘畝

保艾圩 十二都一區一甲黃姓二區十甲吳姓同治七年新築田二千餘畝



安全扞十二都一畝二甲黃姓同治七年新築田四百餘畝

津梁附

高門渡舊為浮橋

祝君玲渡 距城西四里

東門渡

黃龍廟渡 距城東五里

姚公渡 距城東五里

磨刀石渡 距城東十里

青山渡 在一都五畝

小渡 在三四都

程家渡 在三四都

白馬渡 在七都一畝

童子渡 在七都一畝往來通衢乾隆十四年十都四畝職監李正罕六都二畝吏員萬以實協力捐貲建立義渡

造船二隻建廟一所捐田二十畝所有往來差役仍係七都一畝照舊充當不涉李萬二姓事

陶家渡 在七都與十都地界毗連一名桃溪渡 黃犧渡 在八都黃犧山又名王家渡

馬尾港渡 在十都二畝舊有石橋今燬 荻溪渡 都昌通景德鎮大路十都黃吳二姓捐造渡

船二隻以便行旅 獨山渡 在辛十三都

鄱陽縣志 卷之四 津梁 七

章田廟前渡 在十四都二畝通九江 田渡 在十七都泥灣

新渡 在十八都 謝家灘渡 在十八都

龍船灣渡 在二十都嘉慶間建石橋道光庚戌大水冲塌今仍用船渡

檀溪渡 在二十一都 紀江渡 在二十一都

石澗渡 在二十二都 崇光渡 在二十六七都一畝

古田坑渡 在四十三都二畝舊有石橋為大水所圯道光四年鳳岡貢生徐鏞捐建義渡造船一隻并捐田地二十五畝三分為渡子工食并修船之費

揚瀾渡 在四十四都一畝 鳳岡渡 在四十四都

太陽渡 在四十九都原有渡船一隻同治九年邑庠程端程潤捐貲添造義渡船一隻並置麥地拾八畝九分九厘每年收租穀三十一担以給兩渡飯食又收折租錢捌千文作修船之費

清塘渡 在四十九都 李家渡 在五十一都

故縣渡 在五十一都 鴛鴦玲渡 在五十一都嘉慶二十一年丙子建立義



渡造船一隻並置田地二十畝有零以為渡子工食並船  
船修理之費

大渡 在五十二都

滷港渡 在五十二都

鍾家渡 在五十二都入晷

泗溪坵渡 在五十八都

玉溪渡 在五十八都石鎮街與樂萬二邑毗連往來行人絡  
繹不絕大小渡船約有三十餘隻從無虛暇

儒堂渡 在六十四都

游渡 在六十五都

樂安渡 在六十五都

白溪渡 在六十六都

大龍橋 在府治東橋堦以石翼以石闌下有碧洞梁鄱陽王  
蕭恢所建元總管常福生創海會閣於上後燬國

朝康熙初郡守黃家遴重創清風閣旁列二菴今亦燬

小龍橋 在府治西與大龍橋並跨澹津湖梁天監年間建

鳳池橋 在今府學西通鳳池東流與澹津湖合

臘脂橋 在永福寺東土井巷口鄱陽王蕭恢宮內洗妝常遺  
臘脂永流出故名

胡家橋 在西隅卽胡補闕閨故居

鄱陽縣志 卷之四

津梁

白蓮橋 在西隅胡忠烈祠右一名悔來橋相傳里人遇仙於  
此比歸子孫俱盡自悔其來故名

通賢橋 郡城內西北諸水經此入菱池

德化橋 在南隅延賓坊東舊名朝宗橋宋宣和間郡人周士  
全創泄澹津湖水穿城出開口橋達入鄱江

東流水橋 在北隅晝錦坊泄城西北隅水至劉家塘穿城出

永平橋 在永平關外卽弔橋木架

畫橋 在永平關泄東湖水磬石與街等一云同德新橋永  
平橋稱三汲浪又云與中河橋下河橋稱三汲浪

國朝太守黃家遴開濬之附邑人史珥凌三汲浪議儒  
者言義理不言利害然為桑梓計利害即義理也吾鄱學

基相傳范文正所相宅術家謂浮洲與永平市迤江而上  
皆鄱學近案實郡治青龍吉曜關係全郡而鄱學藉為門

戶徵應尤速蓋東湖清氣所鍾特異他源其水宜蓄不宜  
洩術家又謂郡基如游鷗而新玲鐵其右翮左翼乃斷為

三祝君既鑿客水乘焉澹湖水淺而穢積是為現池汚濁  
耗滅地靈非一端也兼龍自風雨山來體高脈燥少衛龍

天池之潤惟一鑑東湖藉聚靈秀而每為漁梁所涸嘉靖  
初郡守彭公邑宰徐公承兵備范公檄因唐李刺史之舊

堤修築提學周公為記記稱捍江為禦外患瀦水為與內  
利夫外水尚捍其入內水之宜瀦益信記又稱留二坵以



消其溢不云浚而云蓄以其所消者溢耳蓋不高築而稍  
虛其上否則湖且無水何溢可消堤更不必築矣考其時  
闔郡科名事業既隆人品文章亦無所不盛蓋二塔俱深  
所餘湖水固常滿也二汲浪之說不詳所始相傳明代有  
嫉邑士鬻齒者或導以決范公堤鑿弔橋畫橋盡洩湖水  
以消士氣而陽美其名入頗感之考歷所開浚吉少而或  
有他情意所云消士氣者不誣歲庚申泰政李蒼厓叔芝  
亭戊辰壩東湖有培芝山築東湖兩引不言堪輿而堪輿  
備其中是後凡入科闈郡擢第十六鄱得九鄉荐六十餘  
鄱得二十九內元二魁二至於當事陞擢之盛尤前此所  
無蓋治所必地靈總會取精多而受社先宜也則蒼厓先  
生遺愛在山川者當與李范彭徐諸賢並崇畏壘矣今湖  
水既無泛溢壕堦即或侵冒清理歸公可矣必欲開浚正  
恐仍即淤塞徒費財力更慮或墮忌者術中咎徵將不獨  
在士也况地術但有培下臂剪凶沙與鑿池築堤以瀦水  
未聞有斷下臂截吉沙以洩水者即水法有御街三折亦  
言其來而非言其去觀新橋之宜築則二瀆之不宣開較  
然矣夫利害以往跡而徵義理亦即因近事而著文風士  
氣已然者固自有明徵而將來者宜防覆轍爰抒所見俾後  
之覽者知所決擇焉

### 德新橋

在永平關洩東湖水宋嘉祐三年創覆以亭亭後有  
觀音堂明萬曆年間燬國朝康熙甲辰年重建咸  
豐癸丑年燬於兵乾隆戊辰年泰政李根雲創浚壩於  
橋北以蓄湖水民甚便之附李根雲建東湖德新橋滾

### 鄱陽縣志

#### 卷之四

津梁

九

壩引水之爲道也鍾美可以豐物流惡可以阜民天地自  
然之利莫大於水故太平之世吏治修而民隱達常以三  
考之官創萬世之利雖一渠之開一堰之立必係於史誠  
重之矣郡東之督軍湖其源自仙壇觀風雨山委折而下  
滙於薦福浮洲間延袤可二十里許西嚙城隍南繞闔闔  
游波漪縠與林巒戶牖相掩映尾間所屬即鄱江也其間  
農圃之膏潤魚蝦菱芡之繁殖收利且無算不甯惟是沿  
流萬戶歲苦祝融又冬春之交涸爲平壤岐路四達竹壁  
短垣間偷兒暴客俱得出沒窺瞰而莫之限制則講求於  
湖與利與去害殆兼之矣考郡志德新橋舊嘗建開蓄水  
漲則注之河弱則瀦之湖故終歲爲巨浸而無竭澤之患  
饒之人資其生殖並倚爲禁防誠萬世之利也自嘉靖後  
閘漸廢壞不治後之人遂無復有問津者嗣是盈涸不常  
當春水未至所爲湖者一泓僅存耳瀕湖之濱而不能盡  
湖之用可謂棄貨於地矣余曰漳水在旁而不知濟鄰此  
西門豹之所以見誦於史起也吾儕可蹈其轍乎於是偕  
太守藍君通守李君君邑合黃君暨諸泰佐士民溯流窮源  
勘其遺址則闢基猶在往跡固可尋也惟去其壅淤樹以  
隄防立介石而爲之節宣即可收全湖之利而成二百年  
既廢之功事既易集而效可立觀天下事孰有便於是者  
乃亟與守令諸君及薦紳耆度謀所以修復之計諸君子  
乃翕然同心惟恐盛事之不朝夕舉也惟是鳩工闢土伐  
石取材建萬世之良圖自非一手一足之烈所能爲力尤  
冀都人士念利害之切身維急公之恐後各抒心力樂布



泉刀庶率作興事之義既不置於職司而子來趨事之忱尤足多於井里垂之奕世可謂恩波稽之古人亦云同澤矣是爲引

繫虎橋 卽東湖橋在德新橋稍北東湖堤中通薦福寺唐僧慈濟往來湖畔常與虎俱時繫於此

烈女橋 在上東湖近元妙觀今燬

激揚橋 在張王廟東明萬厯年間大木流至里民析之建亭於上色如烏木

施家橋 在激揚橋北

開口橋 在鄱江門外東一名臭河橋明洪武十一年重建永樂丁酉易名舊設有閘板以蓄水今廢

石羊橋 在鄱江門外西

浮橋 在月波門外芝山驛前橫亘鄱江爲古驛站道用船三十六隻聯以鉄索宋知州史定之創今廢

靈芝橋 在靈芝門外卽弔橋明洪武十一年重修跨濠水

王公橋 在西門外宋知州王十朋遷知夔州民走詣司乞齒不得至斷其橋王公從間道去眾葺斷橋因名

竹馬橋 在蠟洲門外教場西

鄱陽縣志 卷之四 津梁

土湖橋 在蠟洲門外近雙港康熙年間饒營副將馬璘重修有碑記今圯

宣化橋 在朝天門外卽弔橋明洪武十一年甃以石跨濠水通東湖

寶勝橋 在東北關石砌跨東流湖水尾唐僧寶勝居此故名元泰定間邑人王西玉建閣於橋上總管韓伯高移

於舊治前爲承宣樓今閣乃明里人胡侍郎重建

鄭公橋 在一都石砌跨蛟坑水通路口舖宋鄱令鄭日新有善政民懷之作亭橋畔故名

愛子橋 在一都

楊玫橋 在一都嶽廟前跨土湖尾北通青山渡舊名澤門橋後因村民爲義犬所救事故名宋紹興二年建

宏濟橋 在一都薛家坂康熙壬子年徽郡海陽金德洙德澤捐金鼎建

徐步橋 在一都爲饒往九江孔道嘉慶丙子年陳贊卿等倡捐建石砌

張公橋 在薦福寺北

拜遲橋 在三四都由拜遲湖達鄱江相傳真人王遙得道飛去其徒黃氏追之不及至此禮拜而回故曰拜遲自

曹氏修建後復爲風水所圯後僧破暗募修



金龍橋 在十二都通都

端浪橋 在崇十三都通九江大路相傳民人吳端浪創建故名

汪家橋 在十四都銀寶村跨汪家汀水發源百福山至銀子墩入湖

章田官橋 在十四都章田渡西里許水源從百福山來由銀寶湖入大河通九江都昌大路

响水灘橋 在十五都通都昌彭澤大路

滙中橋 在十八都跨滙中港水故名通建德彭澤大路乾隆辛卯年建石砌

合水橋 在十八都上通九江下通饒郡咸豐戊午年重修石砌

柘林橋 在復禮鄉沙家咀乾隆四十五年建咸豐辛酉年圯同治庚午年修石砌

義興橋 在二十都西距石門十里石砌通都彭兩縣路道光庚戌年毀同治戊辰年重建

澗口橋 在二十一都石砌通石門路道光庚戌年毀咸豐辛酉年移建

紀綱橋 在二十一都通石門大路石砌今毀

義濟橋 在二十都西距石門十里石砌一名漢橋

都陽縣志

卷之四

津梁

十一

石澗橋 在二十都石門下五里石砌

尚書橋 在二十都宋侍郎黃夢松建

大橋 在二十都石門下里許石砌

段家橋 在二十一都地方崇都段姓建

澗溪渡橋 在二十一都石砌通石門路春夏水漲用船渡

聯科橋 在二十五都通安徽景鎮大路

白石橋 在三十都

南山橋 在三十一都

鏞石灘橋 在三十四五都

上藍橋 在三十六都板架跨小澗水通平源鋪路

思橋 在三十七都

龍峯橋 在三十七都板架跨小溝水通浮梁大路



朱家橋 在三四都近石痕村道光癸未年重修

格勒橋 在三四都架板今改石砌跨大塘湖尾通小渡鋪路  
俗以柴擔為格勒故名

太平橋 在三四都石砌跨短泊坵北通安定橋宋熙寧甲寅  
創元至元己卯重修

瓊卜橋 在三四都板架跨東湖水尾通蕭坂鋪路相傳瓊氏  
所創故名

國安橋 在三四都石砌跨高家坵通黃坵鋪路創始同太平  
橋

滙源橋 在三四都接鄭公橋水入東湖橋跨湖北畔東通磨  
刀石大路西通雲儒學背至市乾隆丙子年建石砌

盧橋 在五都板架跨盧灣水通黃嶺鋪路

花橋 在五都板架跨湖汀港水尾東通黃村路傍有花木  
故名今砌以石

奴子橋 在五都板架跨湖汀港水尾東通花橋路

江家橋 在五都石砌跨小溝水上有亭北通曹婆鋪路

板步橋 在六都跨小港水東通黃村鋪路元皇慶間里人周  
氏重修

鄱陽縣志 卷之四 津梁 十三

躍龍橋 原名土家橋在六都小港

倪家埠橋 在六都三十四都等處通景鎮大路

觀音橋 在七都去縣入十里大路中

焦子橋 在七都跨桃花源水舊有石砌橋圯今復修之通小  
橋路

新橋 在七都石砌跨寒池水尾通盧橋鋪路元延祐丙辰  
建明永樂重修

松橋 在七都石砌跨寒池水尾通曹婆鋪路

桃溪橋 在七都跨陶家渡水乾隆戊寅年陶鼎正捐貲建立

龍津橋 在義仁鄉咸豐辛酉傾壞丁卯重建構亭其上水由  
龍津溪達吳江山大港為行旅通衢

河山橋 在九都又名三眼橋跨河山坑水石砌通魯城鋪路

昌公橋 在九都十都通京大路乾隆丁亥年建石砌

藕塘橋 明代建石砌通京大路

永鎮橋 在十都跨陶家渡水嘉慶丙子年建石砌



鮑公壩 在三十七都板架跨小溝水通浮梁路

戴村橋 在三十七都板架跨撒子源水通浮梁路

判官橋 在利陽鎮通浮梁路乾隆甲戌年建石砌

永濟橋 在三十九都通浮梁路舊名道觀橋以其仿方寸觀  
得名舊用木架嘉慶甲戌年砌石重修因改今名

普濟橋 在四十都跨鮎魚山大河之水通浮梁路嘉慶辛酉  
年建石砌

金坑橋 在四十一都又在二十六七都

樂義橋 在四十三都古田坑道光末年史可彰勸捐建通景  
鎮大路

鳳林橋 在四十四都石砌跨小溝通浮梁路明永樂年間重  
修

高橋 在四十五都木架跨賓田坵水通浮梁路

上轉橋 在四十五都又名上壯板架通浮梁路

塔水橋 在四十六都板架跨賓田水通浮梁路

保南橋 在四十六都又名勝郎橋板架跨賓田村源水通浮  
梁路

鄱陽縣志

卷之四

津梁

十三

曾婆橋 在五十一都又名隆平橋通利陽鎮路宋乾道八年  
里人曾氏建

孝義橋 在五十三都

鯽魚橋 在五十三都

板橋 在五十四都  
年間

大吉橋 在五十七都板架跨菱港塘水尾東通段家橋路

段家橋 在五十七都板架跨湖菱港塘水尾東通回源舖路

天井橋 在五十八都木架源潭坵水東通樂平路

石泉橋 在五十八都跨菱港塘水原名石泉渡 國朝雍正  
年間改建石橋

菱港橋 在五十八都水源浩大原係板橋 國朝康熙年間  
改建石橋

野渡溝橋 在六十五都通餘干路嘉慶壬申年建石砌

南星橋 在六十六都係河南岸魯洲右與德新橋柳樹巷相  
對

辛家橋 在六十六都跨風婆湖坵口



下埠橋 在六十七都

三級橋 在六十八都

慕禮橋 在六十八都跨蓮湖水康熙甲申年建石砌

三星橋 在蠟洲門外跨土湖水乾隆十三年建

梅源橋 在懷仁鄉

來家橋 在義仁鄉八都四畝詹姓建

佛渡橋 在二十六七都乾隆十八年建

大同舖橋 在懷仁鄉二十二都板架跨大河行旅通衢春夏

古田坑義渡 在四十三都二畝舊有石橋因洪水所傾道光

四年鳳岡貢生徐錦鼎力造船並捐田地二十  
五畝三分永為經營修整之費俾往來者無許  
取錢



壇廟

社稷壇在靈芝門外回會山舊在北隅古社巷元立壇西隅常豐倉舊址明洪武初立壇城西北桃源山十年知府邵敏遷今處高三尺方二丈四尺陛各三級正中樹石至長二尺五寸方一尺北向西北為瘞坎繚以牆內有神庫神廟牲房各三間春秋二仲月上戊日府官主祭廳縣陪位風雲雷雨山川壇并鄱陽湖之神舊址在社壇裏明初在鄱江南岸天王寺洪武七年知府王哲遷永平門外薦福山高三尺方二丈二尺繚以牆內有神庫三間每年春秋二仲月戊日與城隍同祭府官主祭廳縣陪位

先農壇在路口十里舖雍正三年知縣王守敬奉文遷建壇宇一座東西配房瘞池倉庫頭二門繚以垣牆置有籍田

鄱陽縣志

卷之四

壇廟

五

四畝九分

關帝廟在朝天門外元至正壬辰燬於兵七已冬叛寇自閩聚眾數萬攻城屢禱弗吉郡兵伏廟左榛莽中適援兵至廟中兵出關外合擊敗之咸謂神陰相太守陶安徙官舍五間為正寢創門廡每年五月十三日及春秋兩季致祭咸豐三年燬於兵又後山隊十八坊亦有廟基制差小

文昌宮舊在城外浮洲寺側嘉慶十九年知府陳超曾署府狄億知縣馮履晉率邑紳士移建於茶條巷芝陽書院前有碑每年春秋二季致祭同治二年知府吳秉衡暫改府學宮帝君神位移置後殿

府城隍廟舊在毛家巷

址今為番君廟

今在蠓洲門內舊府學東明

洪武元年太祖克江州幸鄱至東門外御書城隍之神扁



額祀以少牢二年知府王哲遷今處永樂十六年老人黃宗政鳩葺甃石街百五十二步萬曆二十二年知府林欲厦重修四十一年知府侯加采復修殿廡頭門并前甬道蔡本端史書奇捐費助工侯嘉獎之 國朝順治十五年守道張思明康熙五年知府麻典十年知府王澤洪均事修葺甲寅後傾頽康熙二十年知府黃家遴捐貲鼎建雍正十一年修嘉慶元年重修道光二十六年知府胡正仁重修咸豐三年髮逆燬同治二年知府吳秉衡暫構一室以棲神

縣城隍廟唐時建明洪武初知縣韓子敬重修在縣治左每祭厲壇日同府城隍至迎入合祭縣令初任及朔望皆拜謁隆慶三年知縣張應亮建樓於面前凡三層高三丈有

鄱陽縣志

卷之四

壇廟

六

奇樓窗四曰迎薰曰留暉曰秩祀曰賓曦萬曆十六年知府程朝京建四柱石坊於縣左廟右名江湖樞鑰今樓坊俱圯廟已屢經修葺 國朝嘉慶二十三年知縣馮履晉重修咸豐三年髮逆燬

龍神廟在郡城內西隅傍府城隍廟西雍正四年署縣張以吾奉文建立乾隆五十四年重修每年春分秋分日致祭咸豐三年燬於兵

火神廟在城內東隅延賓坊大街 國朝康熙二十五年知府黃家遴知縣王克生率士民建乾隆五十六年知府蔡齊明知縣陳盤言率士民修葺嘉慶十八年復修咸豐三年髮逆燬同治二年重建

厲壇在朝天門外西北半里許洪武八年知府王哲創壇中



爲城隍監察位壇下左右爲本境無祀鬼神位繚以墻門  
內有亭碑每歲清明七月望十月朔致祭至日迎城隍主  
於壇合祭

集賢祠舊在府署西康熙三十二年知府李昉建祀唐刺史  
顏真卿宋太守范仲淹洪皓王十朋唐文若唐震胡銓元  
太守王都中魏中立明太守陶安陳新會張有譽張並叔  
國朝太守梁以桂翟鳳翥後圯嘉慶十九年知府陳超曾  
改建於府署儀門左易其額曰三賢祠祀顏真卿范仲淹  
王十朋咸豐三年髮逆燬

三皇廟在府治北東華巷內元時建祀伏羲神農黃帝命醫  
學陰陽官春秋行釋奠禮卽後殿作講堂明洪武八年重  
修二十九年毀

鄱陽縣志

卷之四

壇廟

七

堯山廟在義感鄉廟祀山神

屈原廟在崇德鄉十二都荻溪灘俗名水府廟元延祐間廢  
明洪武初里人重興每旱疫禱輒應

長沙吳文王廟舊在舊州治內宋景祐間范文正知饒州遷  
廟於治西北元延祐總管王都中重修尋兵廢明洪武八  
年知府王哲遷毛家巷卽今處額設祀典知府率屬員於  
五月十三日行祭咸豐三年燬於兵同治七年吳姓裔孫  
重建 有碑文見藝文

蜀三大神廟在禮遜坊西一在月波門內其神有三一清源  
嘉州太守趙昱隋時斬江蛟以捍民患一文昌卽梓潼一  
射洪卽蜀郡太守李冰秦時作石犀以鎮水怪皆蜀地神  
鄱陽彭大雅宋時帥蜀後歸因建祠奉焉明初總制宋炳



知府陶安重修今廢

寶福侯廟在芝山前祀漢樊噲舊廟在山頂曰鹿頭大王廟  
范文正公守饒時禱雨有應乃遷廟於此元豐庚申太守  
馬淵禱雨復應奏封寶福侯元末兵廢

祠山廟在東北關妙果寺旁神姓張諱渤字伯奇武陵之龍  
陽人生漢神爵二年長通法術役使鬼神祠在黃德元僧  
南楚任持妙果寺奉其像於祠明萬曆辛巳參議李天植  
撤而廣之久圯

珠湖萬碩靈順王廟神姓趙名迪字公阿漢建初七年牧郊  
外感北斗下降授以秘法由是得道至和帝朝療東宮疾  
有瘳賜珍寶不受但乞一瓢梁大通元年入覲以瓢貯米  
輸之不能竭朝廷神之賜爵平鄉侯封靈異真君宋元豐

鄱陽縣志

卷之四

壇廟

六

中賜廟額仁濟侯前進士江迪捨基創宇元鄱陽丞吳暉  
己巳冬立廟

郭西廟在永平關古監前祀梁昭明太子宋池州有祠能弭  
火災邑人往池州迎神奉祀嘉慶十八年重修咸豐三年  
兵燬同治二年蕭松柏捐造文選樓前造店二間收租供祭  
劉巡官廟在永平關神姓劉名宗宏字子明楚州山陽人隋  
大業三年爲鄱巡官時三鄉大浸民以殺掠爲事郡守梁  
文謙命宗宏招安給錢米賙濟相與培土爲市民德之立  
廟以祀范文正公有廟贊兵燬後人重建 國朝嘉慶二  
十三年重修咸豐三年燬於兵

總管廟神姓胡名靖一安徽婺源人宋時建永平關稅務巷  
內咸豐三年燬於兵



王靈官廟在永平關六七圖下河街 國朝康熙十年建咸豐三年兵燬

華光廟在永平關外臨河 國朝嘉慶三年重修咸豐三年

兵燬同治三年重建

黃龍廟在後山隊

馬王廟在薦福寺西

春秋閣祀關帝向在薦福寺 國朝巡道秦承恩移建於道

署內久廢

忠靖王廟在永平關外祀唐忠臣張巡明永樂八年知府李

益重修後建旌忠閣成化丁酉知府吳忱率士民重修元至正八年

年己丑碑惟有唐中丞張公巡保障江淮以死勤事詔立廟睢陽郡後民思不忘其德凡通都大邑以及閭巷咸廟祀惟勤故饒有廟焉廟在近治之東永平關民有水早疾疫必禱禱輒應禦災捍患咸賴之以為安也至正更化之壇廟

鄱陽縣志

卷之四

九

八年朝廷以饒地大且遠悉選重臣乃命河南廉訪使韓侯鏞出撫郡事侯至敦教化以正人心躬勤儉以厚民俗越明年庶政畢舉民知向方乃以淫祀易惑眾聽索而悉毀之吏以中丞廟白侯曰是忠烈宜百世祀者戒勿毀復紀以詩于是郡之人士咸知朝廷祀典之重公論之不可泯刻詩於石詩曰公在有唐休有烈光盛德豐功百世靡忘奕奕新廟鄱江之陽郡政克明淑慝以彰妖邪蕩掃歸然孔臧善政式流濯靈載昌其自今始于國為慶 按此碑但存年代作者姓名無考 前殿至山門 國朝嘉慶十

二年重修後殿道光元年重修每年春分秋分日致祭內

大佛殿觀音堂嘉慶十三年重修財神殿祿姑殿堂道光

元年重修清虛堂道光二年建咸豐三年髮逆燬同治二

年重建後殿 按忠靖王廟又一在雙港

忠烈康王廟在魁輔坊北神姓康名保裔宋真宗時沒於王

事立廟祀之元末兵毀明洪武初邑人重建萬曆二十一

年復新之 國朝順治中燬康熙二十二年重修乾隆十



二年復修邑合黃登穀有記見藝文五十八年郡守蔡齊明

邑合陳盤言率士民重修咸豐三年髮逆燬按康保裔宋真宗時為高

陽關都部署契丹入寇力戰死祖志忠後唐明宗時討王都戰死父再遇太祖時為將討李筠戰死三世皆死國事見老學庵筆記

晏公廟在城西柳林津祀元文錦局堂長晏戍仔洪武間建

官民舟楫出泊必禱 國朝同知劉愈奇修乾隆五十四

年重修棠陰立德鄉安吉社俱有廟

東嶽廟在城北十里舊在芝山東宋宣和間移今處明洪武

間重修萬曆癸巳正殿燬里民重建

中堂祠在月波門內今毀

水府廟在鄱江門外接官亭東南祀三閻大夫屈原

龍王廟在義感鄉雙港龍王山石壁立下瞰深潭相傳有

鄱陽縣志 卷之四 壇廟 三

龍居之故立廟祀焉明建浮屠於上今圯其半廟毀

汪王廟又名忠烈廟在松蓋鄉之盤田神汪華歛人隋末兵

亂華能保障鄉里民德之立廟以祀相傳鍾弱翁所建廟

有十餘處散在鄉村凡旱疫禱輒應

閣山廟在閣山宋知州毛裕宿山下夢人自稱楚王陳涉遂

造樓閣後人以爲廟

饒關真武廟在祝君垵明萬曆十八年知府楊際會從士民

議塞垵不使郡流外洩建廟於上今廢

年王廟在城南雲津巷祀太歲神宋時刱建 國朝乾隆四

十一年重修咸豐三年髮逆燬同治七年重建

旗纛廟在明千戶所署後洪武三年總制宋炳創祀軍牙六

纛之神廟久廢今參將至城守署皆建祀



九賢祠在府治內祀吳周勳晉虞溥王廙梁陸襄隋柳莊梁文謙唐張廷珪顏真卿李復爲九賢後又增祀李吉甫馬楸咸豐三年燬於兵

忠孝行祠在靈芝門外卽鳴山廟晉石敬純爲父報仇追殺牛昌隱道經鄱陽後人立祠祀之宋咸純間重修門有古柏高十餘尋人不敢伐咸豐三年燬於兵

顏范二賢祠在舊州治頌春堂祀唐顏真卿宋范仲淹州守王十朋遷於慶朔堂右後廢明嘉靖間知府王健同知徐拭重建於薦福寺後額設祀典以正月初五日府正致祭

康熙二十九年祠毀於莫莫堂僧一雨合郡紳士具呈巡憲龔公嶸令僧於寺隙地重建復增祀王龜齡額曰三賢祠雍正年間頽遷神主於城內二條巷今爲澹湖書院仍祀三賢於中薦福寺旁祠址及碑記

鄱陽縣志 卷之四

壇廟

三

俱存 道光四年莫莫堂僧諸林稟憲募化重建仍其額曰

二賢

四賢祠在舊州治內今毀

程剛愨公祠在舊州學右公名振樂平人宋靖康亂謀擣敵營苑瓊洩其謀及禍端平間州守林杲建祠祀之今廢

范文正公祠宋時建一在頌春堂一在州學講堂左一在天慶觀元末廢

洪忠宣公祠在府治右茶場巷內祀宋禮部尙書洪皓每年六月十三日府官率屬致祭嘉慶二十二年重修禁礮宋

公籍於鄱則爲邑先賢嘗守饒則爲郡名宦祠固祀典也謂宜虔肅以修歲事今年夏偶閱胡忠烈遺事景仰先哲六月望率僚屬親祀諸先忠祠至忠宣公俎豆之地迫隘不稱典禮而頽穢尤甚怪而問故則比因大憲行部駐築試廡吏役穴垣以供應內署庖人烹宰於祠輿隸寢處亦於祠烟燻脂膩侵及神座役既畢亦不復奠除圻填夫



試屏厨漏具足督學按臨留止月久未嘗擾及先賢之宇  
大憲駐僅信宿何故憚勤館人而忍贖祀典事關風教余實  
愚焉况迫近試廨內署則防閑尤宜嚴密苟啓短垣罅隙  
安保將來不成弊竇乎故定墻置罨亟宜嚴禁并合勒石  
祠中昭垂永久庶無褻越典祀之嫌并杜鑽踰墻隙之漸  
覽者其亦思先賢先宦名教攸存妥侑弗虞恥歸主者幸  
勿輕納謠言致滋物議則亦余愛人以德之微意也夫時  
癸巳七月知府謝寶樹撰

江古心祠在舊府學東亭子巷口祀宋丞相江萬里監生裴  
春奏建後廢基存康熙三十一年改建於六條巷額曰濟  
忠每年六月十三日府官率屬致祭

陶侯生祠侯名安姑孰人明初知饒州有保障功郡民德之  
卽三皇廟西爲生祠有李實碑記後廢

胡公祠在白蓮池北祀忠臣胡閏以女貞姑配享胡公死靖  
難時萬曆改元詔祀於鄉里人楊世德捐宅爲祠當事及  
邑紳置祀田郡守楊際會邑令程朝京俱有碑後祠圯設

鄱陽縣志

卷之四

壇廟

三

王番君廟康熙丙寅郡守黃家遴從眾請與番君廟並建  
額曰文惠忠烈二祠雍正庚戌邑人史大壯改建大門手  
書祠額曰忠烈祠每年六月十三日府官率屬致祭官祭  
之外歲取田租以供秋嘗邑增生胡漸遠等捐田租助祀  
余忠諫祠在碩輔坊前明創以祀余行人廷瓚太守張允掄  
有記毀於康熙末年今垣址及石鐫祠額尙存址長三丈  
廣一丈六尺

五賢祠在胡公祠左萬曆乙卯建內祀胡居仁余祐舒春芳  
史桂芳陳嘉訓兵憲舒其志撰記崇貞庚辰督學侯峒曾  
移五先生主於祠左芝山書院而改祠爲列賢祠內祀嚴  
而泰陳之可廉靖朱大德夏子羽徐時升李鳴雷陳堦劉  
惟遠凡十人今廢



珠湖廟在義感鄉珠湖濱

韓信廟在韓山

梅錫廟在車門山

雷煥廟在和南鄉雷岡相傳雷煥雷義居此因立廟祀之爲  
祈雨處元末兵燬明洪武初里人重建

白馬廟在府治儀門左相傳有白馬大將軍不知姓名宋江  
萬里爲江西提刑帶回奉之廟舊卑隘明萬曆二十三年  
通判潘元度感夢撤新之按神姓謝出會城白馬廟碑記  
順治中燬隨復建嘉慶八年重修咸豐三年髮逆燬

祀君廟在文惠坊南祀唐饒州刺史祝欽明今廢

崇德祠在四隅舊府學基東祀舒公其志志號元渚湖廣廣  
濟人萬曆癸未進士甲寅冬署守道事時故淮藩庶孽聚

鄱陽縣志

卷之四

壇廟

三

眾劫掠民不安寢有司密報其志星夜馳至郡立擒鞠實  
先後處死民歡若更生蒞饒半載建芝陽書院延名士許  
大忠等定期講學自題書院柱云平旦有心好向此中尋  
面目幾布在我更從何處覓羹墻士民戴德建祠祀之後  
廢

張公祠在頤輔坊太守江陰張公有譽秩滿遷去郡人思之  
不忘建祠祀之後爲貧宗占寓巡司洪應煌以俸資遣之  
始遷去今廢

關聖祠在永平關德新橋東

關聖閣在永福寺西郡守黃家遴修葺咸豐三年燬於兵

龔公祠在永平關祀守道龔嶸字澹巖康熙四十七年任  
益釐奸閹閻安堵振興文教月立課程時進諸生親爲講



授其去也士民德之爲置生祠後進兵燬前中俱租人住藥王廟在永福寺內鐘鼓樓左康熙四年太守麻瑛建乾隆四十一年重修增祀三皇易其額曰三皇殿咸豐三年燬於兵

五神廟在碩輔坊乾隆四十年參將王錫榮重修隋大業間駙馬都尉張蒙遊獵逐白鹿至德興銀山失其踪遇五神人指山穴見雙銀筍由是致富立祠奉之其廟十餘處散在鄉鎮惟四十里市廟獨雄偉居民多於四月八日致禱今廢

保安廟在懷仁鄉梅源橋乾隆五十三年建

東嶽廟在廣晉鄉石門鎮宋時剏後圯 國朝康熙二十年重建

鄱陽縣志

卷之四

壇廟

雷

忠直東堂廟在石門鎮宋時剏後圯 國朝康熙五十一年

重建祀宋太學陳東處士歐陽澈

關聖廟在石門鎮雍正二年建

真君廟在二十都龍船灣乾隆三十五年建

文孝廟在石門鎮明天啓年間建今廢

陶余二公祠在南隅大街舊爲秦公講堂乾隆辛亥年邑人

改祀陶桓公祠左改建余公忠諫祠後楹仍爲秦公講堂

今并余公入陶祠余址尙存邑人周大烜捐田三畝

爲祀產

寶珍廟在立德鄉明萬厯年間建 國朝嘉慶丁卯年重修

鄂公祠在十都

寺嶺祠在十四都

靈岩神祠在二十八都



湖源廟在二都

仙姑廟在二十一都

忠顯廟在二都店前明洪武年間建

提幹廟明洪武年間建原在陳家壇 國朝乾隆戊辰年遷

二都樂亭村之羅潭

二忠祠在文昌宮西祀鄱陽縣知縣沈衍慶樂平縣知縣李

仁元陪祀都司畢金科咸豐六年奉 勅建

屈公祠在碩輔坊麻園裏祀候補道屈蟠同治六年奉 勅

建

舊昭忠祠在城內府城隍廟西嘉慶八年知縣吳琦奉文建

祀嘉慶九年饒州營浮梁營從征湖北河南教匪陣亡弁

兵咸豐三年燬

鄱陽縣志

卷之四

壇廟

三

保和局昭忠祠祀保和局陣亡團總王觀國及團勇在北沖

塢中和二團建

十六都忠義祠在蕭家嶺南五里咸豐九年里人建祀邑侯

沈李二公及全保局陣亡團勇并殉難烈婦附焉

節孝祠在縣儒學外

按鄱宋元以來雩蜡祈報之祀植木封土廟貌緜麗不啻

百數昔饒州總管韓鏞毀淫祠十去六七猶有延其尸祝

者固古黷辜之舉莫可廢也然歲積宇撓其零沒於風雨

草莽中皆索之烏有若關正秩或從義起茲特述而存之

所謂郵表水庸後先田社民間口碑具在焉 劉志原跋